



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Inquietos, & Praelatis rebelles, corripiendos. 5

urn:nbn:de:hbz:466:1-14298

PARS DECIMA QVARTA.

C A P. I. *De Visitatione ac Synodis Episcopalis Archidiaconibusque.*

Matth. 5.

Vum frumenta sint in Civitate leges, nisi & sint qui eas exequuntur; itidem institutiones Canonicas inefficaces & languidas esse oporteat, nisi ab Episcopo & reliquis, quibus ea cura demandata est, & quodammodo viva lex sint, qui & in Evangelio nuncupantur sal terrae, mancipentur effectui: idcirco visitatione per nostram Diocesim Colonensem opus est, quam Deo auctore per nostrum in Pontificalibus Vicarium, ac ipsis adjunctos viros juxta pios ac doctos, quibus plenam dabimus in his spiritualibus ac Ecclesiasticis rebus ordinandi potestatem, aggrediemur, eodemque adjuvante Deo peragamus.

C A P. II. *Quo ordine Visitatio instituenda.*

Ex superioribus vero liquet plus satis, quo ordine Visitatio instituenda sit. Siquidem imprimis ab Ecclesiis nostris Metropolitana ac Cathedrali inchoandum: dehinc singulæ Collegiatæ, simul cum Monasteriis & virorum & mulierum, invisitare: post hæc ad Parochiales Ecclesiæ omnes, in nostris Civitatibus ac Diocesibus constitutas, (ubi maxima cura opus erit,) transeundum: ibi non solum Parochi, sed alii etiam (quotquot ibidem commorantur) Sacerdotes ac Clerici advocandi. Atque interim non prætermittendæ Scholæ & Bibliothecæ, ubi illæ reperiuntur: ac postremo Hospitalia pauperum diligenter perlustranda erunt.

C A P. III. *Quæ ubique corrigere oporteat.*

Væ vero oporteat ubique sciscitari ac investigare, quæ corriger ac repurgare, quæ statuere ac ordinare, superiores constitutiones abundè docent.

C A P. IV. *In primis reformandos esse Decanos.*

Vobis ad Cathedrales & Collegiatas Ecclesiæ attinet, prima cura erit in reformatis Ecclesiarum Prælatis, maximè Decanis. Qui si cœci fuerint, consequitur necessario, ut hi, quibus ducatum præstant, simul in foveam trahantur ac cadant. Quod enim ab illis committitur, facile ab aliis trahitur in exemplum.

C A P. V. *Inquietos, & Prælatis rebelles, corripiendos.*

Et, quoniam alicubi tanta est Cleri disfolutio, ut Prælatis, quantumvis bonis ac eruditis, neque suus honor neque autoritas servetur, intendentes Visitatores Nostrum animum, ut inquieti corripiantur. Qui corripi & obediens nolunt, censura Ecclesiastica secundum culpæ modum percellantur, donec resipuerint.

C A P. VI. *In Monasteriis quomodo abusus percipiendi.*

In Monasteriis facile percipientur abusus, modo Regula Ordinis relegantur, interroganturque qui illis præsunt, num illis scilicet simul cum nostris constitutionibus per omnia satiat.

C A P. VII. *In Visitatione Parochiarum quid agendum.*

Vbi ad Parochias ibitur, debet Parochio ac populo, paucis ante diebus, adventus Visitatorum significari, quo tum omnes expediti adfint, ac publicæ saluti intendant, denique ea Sacramenta ac munera, quæ per solum Episcopum administrantur, expurgati & præparati recipient.

C A P. VIII. *Habenda concilio per Visitatores.*

Nec videbitur inutile, ut Vicarius Noster in Pontificalibus, seu alius ex Visitatoribus nostris Theologus, concionem ad populum habeat; eundemque de omnibus, de quibus utile videbitur, ex divinis Scripturis per Dei verbum admoneat.

C A P. IX. *Interrogandus Parochus, quo titulo ministerium gerat.*

Interrogandus deinde Parochus, num ipse principalis rector sit, aut Vicarius mercennarius; an ordinaria autoritate admissus, necne, ubi Vicarius præstet Parochiæ, videndum quo privilegio absit Parochus principalis.

C A P. X. *De vita, moribus, & doctrina inquirendum.*

Deinde investigandum de vita, moribus, ac doctrina; quo pacto verbum Divinum disseminer, ac Sacramenta Ecclesiastica administret; &c, num omnia calleat quæ ad officium suum spectant. Vbi vero minus fuerit instructus, erudiatur, maxime in his quæ ad dispensationem Ecclesiasticorum Sacra-

men-